

# ରଘୁନାଥ ଦାସ ଗୋପ୍ତାମୀ

( ପୁଜ୍ଞାପାଦ ଗୋପ୍ତାମୀପାଦେର ସଂକିଳିତ ଜୀବନୀ )



“ଶ୍ରୀଗୌରାଙ୍ଗ ହନ୍ଦୟ ଉଦୟନ୍ମାଃ ମଦୟତି”

ରଘୁନାଥ

ଶ୍ରୀମୁଦ୍ଦିରକୁମାର ମିତ୍ର



## ॥ রঘুনাথ দাস (গোস্বামী) ॥

সপ্তগ্রামের অন্যতম গ্রাম কৃষ্ণপুর বর্তমানে একটি সামাজিক স্থান হইলেও প্রাচীনকালে ইটা একটি তীর্থস্থান এবং ভারতের অন্যতম প্রধান নগর ও প্রসিদ্ধ বন্দর বলিয়া পরিচিত ছিল। পুণ্যাতোয়া বিশালকায়া সরস্বতী নদী এই অঞ্চলের নিম্ন দিয়া কুলু কুলু স্বরে প্রবাহিত হইত এবং বিদেশীয় বাণিজ্যাপোতগুলি তখন পৃথিবীর রত্নরাজি এই দেশে বহন করিয়া আনিত। পতুর্গীজ ঐতিহাসিক ডি-বারো [De-Burros] লিখিয়াছেন ‘বাণিজ্য-তরীর প্রবেশ ও নিষ্ক্রয়ণ সম্বন্ধে যদিও চট্টগ্রাম অধিকতর স্ববিধাজনক তথাপি সপ্তগ্রাম বন্দর খুব বৃহৎ এবং সপ্তগ্রাম একটি শ্রেষ্ঠ সহর।’ কৃষ্ণপুর বর্তমানে কোদালিয়া-দেবানন্দপুর ইউ-নিয়নের অন্তর্ভুক্ত অঞ্জাত অথ্যাত বৈশিষ্ট্যহীন একটি ছোট গ্রাম। কলিকাতা হইতে সাতাশ মাইল দূরে অবস্থিত। সপ্তগ্রামের সহিত কৃষ্ণপুর অঙ্গাঙ্গিভাবে জড়িত ছিল।

ৰোড়শ শতাব্দীতে সম্রাট আকবরের রাজস্ব সচিব টৌডরমল্ল রাজস্ব-নির্ধারণ কল্পে বঙ্গদেশকে ১৯ সরকারে এবং ৬৮২ পরগণায় বিভক্ত করেন। উক্ত সময়ে সপ্তগ্রাম ‘সরকার সাতগাঁও’ নামে অভিহিত হইত এবং ইহার মধ্যে ৫৩ পরগণা ছিল; কলিকাতা শালকিয়া ব্যারাকপুর, নদীয়া ২৪ পরগণা প্রভৃতি স্থানগুলি সপ্তগ্রামের অন্তর্ভুক্ত ছিল এবং ৪ লক্ষ ৮ হাজার ১ শত টাকা ‘সরকার সাতগাঁও’ হইতে সম্রাটকে রাজস্ব ও যুদ্ধের সময় পঞ্চাশজন অশ্বারোহী সৈন্য এবং ছয় হাজার পদাতিক নেতৃ শাসনকর্তাকে দিতে হইত।

বাঙ্গলাদেশের প্রথম সাময়িকপত্র ‘দিগন্দর্শন’ নামক মাসিক পত্রের পঞ্চম ভাগে বাঙ্গলার প্রধান নগর বিষয়’ শীর্ষক প্রবন্ধে লিখিত আছে ‘সাতগাঁও হগলীর উত্তর পশ্চিমে দুই ক্রেতে দূরে। আড়াই শত বৎসর হইল সে বাণিজ্যের কারণ গতায়াত ছিল সে এই শহরে এবং সেই সময়ে সরস্বতী নদী এমত আয়ত্ত ছিল যে অন্ন বোরাই জাহাজ চলিত।’

বহু প্রাচীনকাল হইতে এই স্থান হিন্দুদিগের দ্বারা শাসিত হইয়াছিল। কোন সময়ে কোন রাজা এই স্থানের অধিপতি ছিলেন তাহার পূর্বাপর ইতিহাস না পাওয়া যাইলেও শক্রজিৎ নামক এক রাজা যে এই স্থানে রাজত্ব করিতেন তাহা কবি কৃষ্ণরাম কৃত ১৬৭৯ খ্রিষ্টাব্দে রচিত ‘ঘষ্টীমঙ্গল’ গ্রন্থ হইতে জানিতে পারা যায়। কালপ্রবাহে ভারতের এই প্রাচীনতম সহর কিভাবে অবলুপ্ত হয় তাহা পূর্বে বিস্তারিতভাবে বিবৃত হইয়াছে।

১২৪২ খ্রিষ্টাব্দে সপ্তগ্রাম মুসলমান অধিকারভূক্ত ছিল না এবং হিন্দু রাজা স্বাধীনভাবে এই স্থানে রাজত্ব করিতেন। আচার্য যদুনাথ সরকার বলেন :

Saptagram was still unsubdued and the district of Nadia was strewn with semi-independent Hindu Rajas.

পাঠান রাজত্বকালে দিল্লীর বাদশার অধীন, এক শাসনকর্তার দ্বারা এই স্থান শাসিত হইত, পরে রাজা তিরণ্যদাস মজুমদার ও তদীয় আতা গোবর্দ্ধনদাস মজুমদার একত্রে সপ্তগ্রামের শাসনকার্যের ভার প্রাপ্ত হন। ইহারা দক্ষিণ রাজ্যীয় কায়স্ত এবং ‘মজুমদার’ নবাব প্রদত্ত উপাধি ছিল। পঞ্জদশ শতাব্দীর শেষার্দে, তাহারা এই স্থান শাসন করিতেন বলিয়া জানা যায়। এই ‘মজুমদার’ বৎসর ধরে মানে তৎকালে যে প্রধান ছিল তাহারও বহু ও মাণ আছে। রাজা তিরণ্য ও গোবর্দ্ধন দুই ভাই সদাচারী, ধার্মিক ও বদ্যাত্মার জন্ত বিশেষ প্রদিন ছিল। গঙ্গাতীরবর্তী বহু পশ্চিম তাহাদের নিকট হইতে বৃত্তি পাইতেন এবং তাহাদের প্রদত্ত নিষ্কর ভূমি দানের বহু নির্দশন শুরাতন কাগজ পত্রে দেখিতে পাওয়া যায়। নবদ্বীপ ও শান্তিপুরের প্রধান প্রধান পশ্চিমণ সকলেই এই কায়স্ত পরিবারের বৃন্তিভোগী ছিল ( শান্তিপুর পরিচয়—১ম, পৃঃ ১৯৮ ) তাহাদের সপ্তগ্রাম হইতে বাস্তিক আয় ত্রিশ লক্ষ টাকা ছিল এবং তাহারা গোড়েখরকে বার লক্ষ টাকা রাজস্ব দিতেন। এই সম্বন্ধে ‘ক্ষৈচৈত্যচরিতাম্বতে’ যাহা লিখিত আছে, নয়ে তাহার উল্লেখ করিতেছি :

‘হেনকালে মুলুকের এক খ্রেচ অধিকারী  
 সপ্তগ্রাম মুলুকের সে হয় চৌধুরী ॥  
 হিরণ্যদাস মুলুক নিল মোকতা করিয়া ।  
 তার অধিকার গেল মরে সে দেখিয়া ॥  
 বার লক্ষ দেন রাজায় সাধেন বিশ লক্ষ ।  
 সেই তুচ্ছক কিছু না পাইত হৈল প্রতিপক্ষ ।’

রাজা হিরণ্যদাস নিঃসন্তান ছিলেন, কিন্তু তাহার কনিষ্ঠ ভ্রাতা গোবর্দ্ধনদাসের ১৩৯৮ খ্রিস্টাব্দে একটি পুত্র জন্মিয়াছিল তাহার নাম রঘুনাথ। রাজবংশের একমাত্র পুত্র বলিয়া উওয় ভ্রাতারই এই শিশু বিশেষ আদরের ছিল। ‘রাধাকৃষ্ণ’ রাজবংশের কুলদেবতা ছিল এবং গোবর্দ্ধন মহাসমারোহের সহিত নবজাত পুত্র হণ্ড্যায় বিশ্রামের একটি স্থলের মন্দির প্রতিষ্ঠা করান। এই দুই ভাই ধার্মিক এবং অত্যন্ত দানশীল ছিলেন। বহু সংখ্যক আঙ্গণ পর্ণিত ইহাদের অর্থ সাহায্যে জীবিকা নির্বাহ করিতেন। ইহাদের দানশীলতার কথা সঙ্গীত মাধব নাটকে ‘উল্লিখিত আছেঃ—

‘পাতালে বাস্তুকির্বক্তা স্বর্গে বক্তা বৃহস্পতিঃ ।  
 গোড়ে গোবর্দ্ধনো দাতা খণ্ডে দামোদরঃ কবিঃ ।’

গোবর্দ্ধনদাসের বদান্ততায় বাংলাদেশে বহু আঙ্গণ জীবিকা নির্বাহ সম্বন্ধে একরূপ নিশ্চিন্ত থাকিত এবং সহস্র সহস্র দীনদুঃখীও তাহার অপার কৃপায় স্বুখে স্বচ্ছন্দে দিনাতিপাত করিত। এই সম্বন্ধে শ্রীচৈতন্যচরিতামৃতের উক্তি উল্লেখঃ—

‘মহৈশ্চর্য্যুক্ত দোহে বদান্ত আঙ্গণ্য ।  
 সদাচার সৎকুলীন ধার্মিক-অগ্রগণ্য ॥  
 মদৌয়াবাসী আঙ্গনের উপজীব্য প্রায় ।  
 অর্থভূমি গ্রাম দিয়া করেন সহায় ॥’

ইহাদের শাসনকালে পতু গীজগণ বাণিজ্য ব্যবসায়ের জন্য বঙ্গদেশে ১৫১৭ খ্রিস্টাব্দে প্রথম আগমন করেন। প্রসিদ্ধ ঐতিহাসিক হাট্টার সাহেব লিখিয়াছেন যে ‘সাজাহান’ নামক পারস্য গ্রন্থে লিখিত আছে যে, যখন ছগলী শিন্দুরাজার শাসনাধীনে ছিল তখন ঘরবাড়ী নির্মাণের

জন্ম জমি খরিদ করিবার অনুমতি একদল বণিক পাঠিয়াছিলেন। তাঁটার সাহেব তগলীতে যে হিন্দু রাজাৰ বিষয় উল্লেখ কৰিবাচেন ; ঐতিহাসিক-গণ উক্ত রাজাকে গোবর্দন দাস মজুমদার বলিয়া নির্দ্ধাৰণ কৰিয়াচেন ; কাৰণ ১৫১৭ খৃষ্টাব্দে পতু' গীজগণ প্ৰথম বঙ্গদেশে আগমন কৰেন, এবং উক্ত সময়ে গোবর্দন মজুমদার বাটীত আৱ কেহ তগলীতে রাজহ কৰিতেন না। রঘুনাথ ঐশ্বৰের ও বিলাসেৰ ক্ষেত্ৰে শশীকলাৰ ত্যায বন্ধিত হইতে লাগিলেন। রাজা হিৰণ্যদাম রঘুনাথেৰ সংস্কৃত শিক্ষাৰ জন্য তৎকালীন প্ৰসিদ্ধ পশ্চিম শ্ৰীমদ্ বলদেব আচাৰ্যকে নিযুক্ত কৰেন। রঘুনাথ অতিশয় মেধাবী ছিলেন ; অৱদিনেৰ স্থানে তিনি সংস্কৃত ভাষায় বিশেষ বৃত্তপত্তি লাভ কৰেন। রঘুনাথ শ্ৰীমদ্বাগবত পাঠে বিশেষ আনন্দ লাভ কৰিতেন এবং তাহাৰ শিক্ষাগ্রন্থ শ্ৰীমদ্ বলদেব আচাৰ্যও ভগবদ্গুৰু ছিলেন। রঘুনাথ ব্ৰজেৰ রসমঞ্জৰী, কেহ কেহ ব্ৰজেৰ রতিমঞ্জৰী আৰাব কেহ কেহ বা তাঁহাকে ভানুমতীও বলিয়া থাকেন। এই তিনজনেৰ ভাৱ তাঁহাতে বিদ্যমান ছিল।

শ্ৰীমদ্ হৱিদাম ঠাকুৰ ঠিক এই সময়ে ঘটনাচক্ৰে বলদেব আচাৰ্যেৰ গৃহে অতিথি হন। রঘুনাথ হৱিদাম ঠাকুৰেৰ অসাধাৰণ ভগবদ্ প্ৰেম দেখিয়া তন্ময় হইয়া পড়েন এবং তাহাৰ প্ৰতি বিশেষভাৱে আকৃষ্ণ হন।

কিছু দিন পৱে, যে দিন শ্ৰীগৌৱাঙ্গ সন্ন্যাস গ্ৰহণ কৰিলেন তখন সেই সংবাদ বঙ্গেৰ চতুৰ্দিকে বিস্তোষিত হইল এবং রঘুনাথ নাৰায়ণেৰ অবতাৱকে সহী সময় দেখিবাৰ জন্য ব্যাকুল হইৱা পড়িলেন। বলা-বালুৰ পূৰ্ব হইতেই হৱিদাম ঠাকুৰেৰ নিকট মহাপ্ৰভুৰ নাম শ্ৰবণ কৰিয়া অবধি, তাঁহাৰ শ্ৰীচৱণে তিনি আত্মসমৰ্পণ কৰিয়াছিলেন।

শ্ৰীপাদ অদৈন্তাচাৰ্যেৰ আলয়ে যখন মহাপ্ৰভু পদার্পণ কৰেন, তাঁহাৰ বাটীতে যাইয়া তিনি সৰ্বপ্ৰথম তাহাৰ শ্ৰেময় মৃতি অবলোকন কৰিলেন। এই স্থানে সাত দিন অতিৰাহিত কৰিবাৰ পৰ, তাঁহাৰ আৱ ঘৰ-সংসাৰ ভাল লাগিল না। কিন্তু মহাপ্ৰভু তাঁহাৰ মনোভাৱ বুৰিতে পারিয়া বলিলেন : ‘রঘুনাথ এখনও তোমাৰ সময় হয় নাই, এখন স্থিৱ হইয়া গৃহে যাই যখন চক্ৰল সুদয় ষথাৰ্থ স্থিৱ বৈৱাগোৱ উপযোগী

হইবে তখন স্বয়ং ভগবানই তোমার পথ পরিকার করিয়া দিবেন এবং  
তোমাকে মৃত্তির পথে লইয়া যাইবেন।

মহাপ্রাচুর আদেশে রঘুনাথ গৃহে প্রত্যাগমন করিলেন বটে, কিন্তু  
ঠিনি 'রাধাকৃষ্ণের' মন্দিরের মধ্যে কৃষ্ণের জন্য একপ আভাসারা  
হইতেন যে জনক ও জ্যোষ্ঠাত তাহা দেখিয়া বিশেষ চিন্তিত হইয়া  
পড়িলেন। এইভাবে একবৎসর কাটিল, তাহার পিতামাতা রঘুনাথের  
সহিত এক সুন্দরী কন্যার বিবাহের স্থির করিলেন। রঘুনাথ তাহা  
জানিতে পারিয়া একদিন রাত্রে গৃহ পরিত্যাগ করিয়া পলাইবার চেষ্টা  
করিলেন, কিন্তু তাহার পিতা বৃক্ষতে পারিয়া তাহাকে ধরিয়া  
ফেলিলেন।

'এই মত রঘুনাথের বৎসরেক গেল।

দ্বিতীয় বৎসরে মন পলাইতে কৈল।

রাত্রে উঠি একলা চলিল পলাইয়া।

দূরে হইতে পিতা তারে আনিল ধরিয়া।'

রঘুনাথ বাড়ী ফিরিয়া সর্বদাই বিভোর হইয়া থাকিতেন, তাহার  
তৌর অনুরাগ কিছুতেই বাধা মানিতে চাহিল না। জ্যোষ্ঠাত,  
পিতামাতা প্রতোকেই রঘুনাথের জন্য বিষম ও চিন্তিত হইয়া পড়িলেন।  
অবশ্যে গৃহাশ্রয়ী করিবার জন্য তাহারা যুক্তি করিয়া এক রূপ-  
লাবণ্যবর্তী সর্বগুণালঙ্কৃতা কন্যার সহিত রঘুনাথের বিবাহ দিলেন।

পার্থিব তোগবিলাসে রঘুনাথকে আকৃষ্ট করা গেল না, বরং তাহার  
হৃদয়ে দারুণ বৈরাগ্য উপস্থিত হইল। তাহার স্নেহময়ী মাতা ও  
প্রেমময়ী পঞ্জী কাঁদিতে লাগিলেন, সকলেই কিংকর্তব্যবিমৃত হইয়া  
পড়িলেন। রঘুনাথ পুনঃ পুনঃ পলায়ন করিতে চেষ্টা করিতেছে দেখিয়া,  
তাহাকে বন্ধন করিয়া রাখিবার প্রস্তাব তাহার পিতার নিকট করায়,  
তিনি বলিষ্ঠাত্তিলেন যে রাজ গ্রিষ্ম ও অপ্সরার মত স্তু যাহাকে বন্ধন  
করিতে পারে নাই, দড়ির বন্ধন তাহাকে কি করিয়া বাঁধিয়া রাখিবে?

'ইন্দ্রসম গ্রিষ্ম, স্তু অপ্সরাসম।

এ সব বান্ধিতে যার নারিলেক মন।

দড়ির বন্ধনে তারে রাখিবে কেমতে ?

জন্মদাতা পিতা নারে প্রারক ঘূচাইতে ।'

রঘুনাথ এই সময় পানিহাটী গ্রামে শ্রীমদ্বিজ্ঞানন্দ প্রভুর সহিত  
মিলিত হন। তিনি তাহার অতুলনীয় ভক্তি উপলক্ষ্যে করিয়া  
বলিয়াছিলেন যে, রঘুনাথ আমি আজ তোমাকে দণ্ডিত করিব; তুমি  
আমার শিষ্যগণকে চিঁড়া-দধি ভোজন করাও। রঘুনাথ প্রেমে গদগদ  
হইয়া পরমানন্দে মহাপ্রভু এবং তাহার শিষ্যবর্গকে চিঁড়া-দধি ভোজন  
করাইয়াছিলেন। প্রভু বলিলেনঃ শীঘ্র তুমি নৌলাচলে যাইতে সমর্থ  
হইবে। প্রভু তোমাকে স্বরূপ দামোদরের হাতে সমর্পণ করিবেন।  
ইহার পর তাহার গৃহত্যাগের স্মরণ হইল। আজও পানিহাটী গ্রামে  
পুণ্যসলিলা জাহুবী তীরে প্রতি বৎসর জৈষ্ঠ মাসে উক্ত চিঁড়া-দধি  
মহোৎসবের স্মৃতি স্মরণার্থে বৈষ্ণবগণ ‘দণ্ডমহোৎসব লীলা’র অনুষ্ঠান  
করিয়া থাকেন।

‘পানিহাটী গ্রামে পাইল প্রভুর দর্শন।

কীর্তনীয়া সেবকগণ সঙ্গে বহুজন ॥

কৌতুকী নিত্যানন্দ সহজে দয়াময় ।

রঘুনাথে কহে কিছু হইয়া সদয় ॥

নিকটে না আইস মোর, ভাগ দূরে দূরে ।

আজি লাগি পাইয়াছো, দণ্ডিমু তোমারে ॥

দধি চিড়া ভক্ষণ করাহ মোর গণে ।

শুনি আনন্দিত হৈল রঘুনাথ মনে ॥’

পানিহাটীতে গঙ্গারধারে বটবৃক্ষ তলে প্রেতপাথে এই কথাগুলি  
খোদিত আছেঃ

প্রেমের অবতার দশারসাগর শ্রীশ্রীনিত্যানন্দ প্রভু কর্তৃক

১৪৩৮ শকে জৈষ্ঠ শুক্লা এয়োদশীতে

এই স্থানে

শ্রীল রঘুনাথদাস গোস্বামীর

কৃপাদণ্ড মহোৎসব লীলা।

অতঃপর রঘুনাথ প্রতিদিন ঘোল ক্রোশ করিয়া পথ অতিক্রম করিয়া দ্বাদশ দিনে পদব্রজে নৌলাচলে শ্রীগৌরাঙ্গদেবের সহিত মিলিত হন। নৌলাচলে যাইতে তাহাকে হিংস্র জন্মসমাকুল নিবিড় বন ও প্রান্তর এবং মকর ও নকু বিশিষ্ট নদী সকল সন্তুষ্ণণ করিয়া যাইতে হইয়াছিল।

নৌলাচলে উপস্থিত হইয়া তিনি কয়েক বৎসর শ্রীগৌরাঙ্গের সহিত বাস করেন। মহাপ্রভু তাহার অমাধুরণ প্রেমের একাগ্রতা দেখিয়া তাহাকে শ্রীপাদ স্বকপ গোস্বামীর হস্তে সমর্পণ করেন। শ্রীপাদ স্বরূপ গোস্বামী রঘুনাথকে ভক্তির উপযুক্ত আধাৰ বিবেচনা করিয়া দীক্ষা প্রদান করেন এবং সাধ্য সাধনতত্ত্ব প্রণালী শিক্ষা দেন। রঘুনাথ যে অনগ্রসাধাৰণ কৃচ্ছতা সাধন করিয়া ভক্তিৰ সকল অঙ্গ যাজন মার্গেৰ শৈষস্থানে উন্নীত হইয়াছিলেন তাহা পাঠ করিলে বিশ্বিত হইয়া যাইতে হয়। তিনি স্থান, আহার ও নিজার জন্য মাত্র তিনি ঘটা সময় রাখিয়া, প্রতিদিন একুশ ঘটা হর্বনাম সঙ্কীর্তনে বিভোর হইয়া থাকিতেন। রঘুনাথেৰ পিতা তাহার জন্য অর্থাদি পাঠাইয়াছিলেন কিন্তু তিনি সে অর্থ গ্রহণ কৰা দূৰে থাকুক, উত্তে ভিক্ষা করিয়া দিনপাত করিতেন। তাহার বৈরাগ্য ও নিয়ম-নিষ্ঠা বিশ্বায়েৰ বস্ত্র ছিল। স্বরূপেৰ সঙ্গে তিনি ঘোল বৎসর মহাপ্রভুৰ অন্তরঙ্গ সেবা করিয়াছিলেন।

‘তোমা লাগি রঘুনাথ সব ছাড়ি আইল ।

হেথোয় তাহার পিতা বিষয় পাঠাইল ॥

তোমাৰ চৱণ কৃপা হঞ্চাছে তাহারে

ছত্ৰে মাগি খায়, বিষয় স্পৰ্শ নাহি কৰে ॥”

এই সময় রঘুনাথেৰ শোকে তাহার মাতা ও পঞ্চী লোকান্তরিতা হন। নৌলাচল হইতে তিনি কয়েক বৎসর পুরীধামে অতিবাহিত করিয়া মহাপ্রভু প্রদত্ত এক সাক্ষাৎ মোহন-মুরলীধাৰী শিলাকৃপী মদনমোহন বিগ্রহ লইয়া একবাৰ সপ্তগ্রামে প্রত্যাগমন করেন। সপ্তগ্রামে তাহাদেৱ ‘রাধাকৃষ্ণেৱ’ মন্দিৰে তিনি উক্ত মদনমোহনকে প্রতিষ্ঠা করিয়া তথায় আশ্রয় গ্রহণ করেন। রঘুনাথ আসিয়াছে শুনিয়া দলে দলে লোক আসিয়া তাহার শিষ্যত্ব গ্রহণ কৰিল। বৈষ্ণবেগণ

আসিয়া হরিনাম সঙ্কীর্তনে সপ্তগ্রামকে মাতাইয়া তুলিল। শ্রীমদ  
নিত্যানন্দ প্রভুও সপ্তগ্রামে আসিয়া রঘুনাথের সঙ্গে যোগ দিলেন;  
সপ্তগ্রামের দেবালয় বৈকুণ্ঠালয়ে পরিণত হইল।

মহাপ্রভুর পার্ষদগণ যথন বঙ্গদেশ পরিত্যাগ করিয়া বৃন্দাবনে যান  
রঘুনাথও সেই সময় বৃন্দাবনে গিয়াছিলেন। এই সময় তাঁহার পিতা  
জ্যৈষ্ঠতাত পরলোকগমন করেন। শ্রীকৃষ্ণের লীলাভূমি বৃন্দাবনে  
শ্যামকুণ্ড বিদ্ধমান আছে; কিন্তু সাড়ে-চার শত বৎসর পূর্বে উক্ত  
কুণ্ডবয়ের ক্ষেত্র মাত্র ছিল না। যথন শ্রীকৃষ্ণের বৃন্দাবনে গমন  
করেন, তখন তিনি তাঁহার শিশুগণকে কয়েকটী জলাভূমিকে রাধাকুণ্ড ও  
শ্যামকুণ্ড বলিয়া দেখাইয়া দেন। রঘুনাথ সেই স্থানটীকে ভগবৎ  
আরাধনার উপযুক্ত স্থান ভাবিয়া, তথায় আশ্রয় গ্রহণ করেন। এই  
সময় তাঁহার মানসিক বলে একটী আশ্চর্য ঘটনা সংঘটিত হয়। একদিন  
রঘুনাথের ইচ্ছা হইল যে, কি উপায়ে এই পুণ্য জলাশয় দুষ্টিকে পূর্বের  
গ্রাম বিশালকায় করিতে পারা যায়। এইরূপ চিন্তায় কয়েকদিন  
অতিবাহিত করিতেছেন। এমন সময় বহু ধনরাশি লহয়া এক বাক্তি  
আসিয়া রঘুনাথকে বলিলেন যে বদরিকাশ্রমের শ্রীশ্রীনারায়ণ জীউর  
আদেশে তিনি ধনরত্ন লহয়। আসিয়াছেন। তিনি স্বপ্নে বলিয়াছেন,  
যে, শ্রীমদ্বংশুনাথ গোস্বামীর নিকট যাইয়া এই ধন রত্ন অর্পণ করিয়া  
বলিও যে, তিনি যেমন রাধাকুণ্ড ও শ্যামকুণ্ড খনন করিয়া দেন।  
রঘুনাথ ও তাঁহার শিশুগণ পুলকে কাঁদিতে লাগিলেন এবং অচিরে কুণ্ড  
দুষ্টি স্বচ্ছ জলাশয়ে পরিণত হইল। রঘুনাথ শ্রীবৃন্দাবনের কৃষকদের  
নিকট হইতে শ্রীরাধাকুণ্ডের যে সকল জমি খরিদ করেন তাহার পাঁচখানি  
দলিল বরাহনগরে শ্রীমদ্ভাগবতাচার্যের পাঠ্বাড়িতে সংরক্ষিত আছে।  
শ্রীরাধাকুণ্ডে তিনি এক্ষণ কঠোর সাধনায় প্রবৃত্ত হইলেন যে, তাঁহার  
বাহ্যজ্ঞান একপ্রকার লোপ পাইল।

যোড়ণ শতাব্দীর মধ্যভাগে মুসলমানগণ পুনরাব সপ্তগ্রাম কাঢ়িয়া  
লন এই স্থান মুসলমান শাসনকর্তার দ্বারা শাশিত হয়। মুসলমান  
রাজহস্তালে এই প্রাচীন স্থানের যাবটায় হিন্দু মন্দিরগুলি ধ্বংস করিয়া  
করিয়া সেই স্থানে মসজিদ নির্মিত হইয়াছিল। আকবরের সময় এই

স্থানের অবস্থা একপ হইয়াছিল যে তৎকালীন লেখকগণ এই স্থানকে “দম্ভুষ্ঠান” বলিয়া উল্লেখ করিয়া গিয়াছেন। সপ্তগ্রামে তৎকালীন অবস্থার কথা পূর্ব বিবৃত হইয়াছে বলিয়া এইস্থানে আর পুনরালিখিত হইল না।

মুসলমান রাজহে রঘুনাথের বাড়ী ধ্বংস হইল এবং মন্দির অপবিত্র হইবার পূর্বেই মন্দিরের পূজারী-ব্রাহ্মণ ‘রাধাকৃষ্ণ’ এবং ‘মদনমোহনের’ বিগ্রহগুলি মন্দিরের পার্শ্বে সরস্বতী নদীর তীরে প্রোথিত করিয়া প্রাণ ত্যয়ে পলায়ন করিলেন; রাজবাড়ীর কুল-দেবতার মন্দির ধ্বংস হইল। সম্প্রতি এই গ্রন্থের লেখক কৃষ্ণপুর হইতে রাধাকৃষ্ণের মন্দিরের কারুকার্য খচিত একখানি ইষ্টক আবিষ্কার করিয়াছেন এই সম্বন্ধে ১৩৬৮ সালের শুক্র মাস তারিখের “যুগান্তুর” পত্রে যে সংবাদ প্রকাশিত হইয়াছিল তাহা উল্লেখ্য :

পঞ্চদশ শতাব্দীর ইঁটে কারুকার্য ॥ প্রতুতান্ত্রিক আবিষ্কার  
গত ১৪ই জানুয়ারী রবিবার ‘ভগুলী’ জেলার ইতিহাস লেখক  
শ্রী সুধীরকুমার মিত্র উত্তরায়ণ গ্রেলা উপলক্ষে কৃষ্ণপুরে গিয়া ইঁটের  
স্তুপ হইতে কারুকার্য খচিত চতুর্কোণাকার একখানি মন্দিরের ইঁট আবিষ্কার  
করিয়াছেন। ইঁটখানিতে একটি সুন্দর পদ্মফুল খোদিত আছে এবং  
দৈর্ঘ্যে এবং প্রস্থে উচ্চার আয়তন নয় বা ইঁকি । শ্রী মিত্র কারুকার্য  
খচিত এই ইঁটখানি শ্রীমৎ বৃন্মাথ দাম গোস্বামীর ধ্বংসপ্রাপ্ত মন্দিরের  
অন্তর্মান ইঁট বলিয়া মত প্রকাশ করেন। তিনি বলেন যে পঞ্চদশ  
শতাব্দীতে সপ্তগ্রাম হিরণ্যদাম মজুমদার ও গোবৰ্দ্ধনদাম মজুমদার কর্তৃক  
শাসিত হইত। এই রাজবংশে ১৪৯৮ খ্রিস্টাব্দে রঘুনাথ জন্মগ্রহণ করিলে  
নবজাত পুত্রের মঙ্গল কামনায় কৃষ্ণপুরে তৎকালীন সপ্তগ্রামের অধিপতি  
রাধাকৃষ্ণের এক সুন্দর মন্দির প্রতিষ্ঠা করেন। পরে রঘুনাথ গোস্বামী  
মহাপ্রাতুর কৃপালাভ করিয়া সন্ধ্যাস গ্রহণ করিলে সপ্তগ্রাম রাজ্য  
মুসলমানগণ অধিকার করে এবং তাহারা হিন্দু মন্দির ধ্বংস করিয়া দেয়।  
পরবর্তীকালে এই মন্দিরের বিগ্রহগুলি সরস্বতী নদী হইতে উদ্ধার করিয়া  
একটি গৃহে সংরক্ষণ করা হয়। রঘুনাথ দামের এই মন্দিরের কথা  
ইতিহাসে লেখা থাকিলেও কোন নির্দেশন এ যাবৎ পাওয়া যায় নাই।

তিনিআরও বলেন যে সপ্তগ্রাম এলাকাস্থিত এই প্রাচীন স্থানগুলি থনন করিলে অনেক প্রত্নতাত্ত্বিক দ্রব্য আবিষ্কৃত হইবে। এই রাত্ অধিক হইতে প্রাচীন কোন দ্রব্য যাহাতে অপসারিত না হয় সেই দিকে প্রত্নতত্ত্ব বিভাগের দৃষ্টি দেওয়া উচিত বলিয়া শ্রী মিত্র মন্তব্য করেন। তিনি ইটখানিকে বরাহনগর পাটিবাড়ীর বৈক্ষণ প্রদৰ্শনালায় অর্পণ করিবেন বলিয়া জানা ঘায়।

আনন্দবাজার প্রকার সম্পাদকীয় স্তম্ভে (৯ মাঘ ১৩৬৮) এই স্থানে প্রাচীন নিদর্শন আবিষ্কৃত হইতে পারে বলিয়া প্রত্নতাত্ত্বিক অনুসন্ধান করিবার জন্য যে আবেদন এই সম্পর্কে প্রকাশিত হইয়াছিল তাহা এই :

ইতিহাসে লিখিত গ্রন্থে সপ্তগ্রামের নানা প্রসিদ্ধির উল্লেখ আছে। রাজনীতিক, বাণিজ্যিক এবং সাংস্কৃতিক গুরুত্বে সপ্তগ্রাম একদিন ভারতের অগ্রতম শ্রেষ্ঠ জনপদে পরিণত হইয়াছিল। সপ্তগ্রামের দুর্ভাগ্য, ধর্মদৈর্ঘ্য আক্রমণকারীর অভিযান তাহার স্থাপত্যগৌরবের অজ্ঞ নিদর্শন ধূলিষ্ঠাং করিয়া দিয়াছেন। সপ্তগ্রামের কৃষ্ণপুরে রঘুনাথ দাম গোষ্ঠীর যে রাধাকৃষ্ণ মন্দির স্থাপিত ছিল, তাহা খুব সন্তুষ্প পঞ্চদশ শতকে আক্রমণকারীর হাতে ধ্বংসপ্রাপ্ত হইয়াছিল। সেই মন্দিরের ধ্বংসাবশেষ আবিষ্কারের কোন চেষ্টা হইয়াছে কি না জানি না। কিন্তু একপ চেষ্টা হইলে শুধু পঞ্চদশ শতকের হিন্দু মন্দিরটির সম্পর্কে নহে, সপ্তগ্রামেরই প্রাচীন ইতিহাসের সম্পর্কে নানা বাস্তব তথ্যের নিদর্শন আবিষ্কৃত হইতে পারে। বৃষ্ণপুরের ভগস্ত্রের ভিতর হইতে এমন ইষ্টকখণ্ডে পাওয়া গিয়াছে যাহাকে প্রাচীন রাধাকৃষ্ণ মন্দিরের ইষ্টক বলিয়া অনুমান করিতে পারা যায়। পশ্চিমবঙ্গ রাজ সাকারে প্রয়ুক্ত বিভাগ সপ্তগ্রামের জন্য প্রত্নতাত্ত্বিক অনুসন্ধান চালাইবার ব্যবস্থা করিলে তাহা অবশ্যই স্ববিবেচিত উদ্দাম বসিয়া প্রণয়িত হইবে। এই সংবাদের আলোকচিত ১০৮ পৃষ্ঠার মুদ্রিত হইয়াছে। সপ্তগ্রামে প্রাপ্ত অগ্রগত দ্রব্যের তালিকা অন্তর্ভুক্ত হইল।

সপ্তগ্রামের ভগ মসজিদ সম্বন্ধে ইকমান যাহেব লিখিয়াছেন যে, এই মসজিদের প্রাচীরগুলি ক্ষুদ্র ক্ষুদ্র ইষ্টকে রচিত এবং প্রাচীরগুলির ভিতর ও বাহির আরবীয় প্রগালীর কারুকার্বসমঞ্চিত। মসজিদের অভ্যন্তরে

প্রাচীরে একটি ‘কুলঙ্গি’ আছে। উহা হিন্দু মন্দিরের খিলানের হায়—  
দেখিতে অতি সুচ্ছ্য। বোধহয় পাঠান রাজস্বের অবসানে এইগুলি  
নির্মিত হইয়াছিল।

বৃন্দাবনে রঘুনাথ তাঁহার আরাধ্য দেবতার দুর্দশার বিষয় ধানে  
অবগত হইলেন এবং তাঁহার অগ্রতম শ্রিযশিষ্ঠ শ্রীমদ্বৃক্ষিক  
গোষ্ঠামীকে সপ্তগ্রামে প্রেরণ করিলেন। তিনি তাঁহাকে বলিয়া দিলেন  
যে, সপ্তগ্রামে যাইলেই তিনি ঘাবতীয় বিষয়ে অবগত হইবেন এবং  
বিগ্রহগুলিকে পুনরুদ্ধার করিয়া তিনি যেন যথস্থানে তাঁহাদিগকে  
পুনঃ প্রতিষ্ঠা করেন। রঘুনাথের কানুভাবী তদীয় শিশ্য সপ্তগ্রামে  
আসিয়া বিগ্রহগুলিকে নদীর তীর হইতে উদ্ধার করিলেন এবং নবাবের  
নিকট হইতে কিছু জমি লইয়া পূর্বীভূত স্থানেই খরের ঘরে তাঁহাদিগকে  
পুনঃ প্রতিষ্ঠা করিলেন। পরবর্তীকালে ষ্টোর দানবীর মতিলাল  
শীলের পিতামহী বর্তমান গৃহ এবং যে স্থানে বিগ্রহগুলি প্রোথিত ছিল,  
সেই স্থান ইষ্টক দিয়া বাঁধাইয়া তথায় একটি ঘাট নির্মাণকরাইয়া দেন।

রঘুনাথ বৃন্দাবনে একপ কর্তৃর সাধনা আরম্ভ করিলেন যে,  
আহার নিজে তাঁহার একপ্রকার লোপ পাইল। অন্যসাধারণ  
কৃত্তাসাধন করিয়া তিনি সাধনার চরন সীমায় উপনীত  
হইলেন এবং ১৫৭৮ খ্রিস্টাব্দে (১৫০০ শকাব্দ) আধিন মাসের শুক্লা  
ষাদশীর দিন রঘুনাথের অম্ব আস্তা জড়দেহ পরিতাগ করিয়া অনন্ত  
পুরুষে লীন হইয়া গেল। শ্রীমদ্বৃক্ষ গোষ্ঠামী যে পদ দেখাইয়া  
গেলেন, তাঁহার শিশুগণও সেই পথ অবলম্বন করিয়া ইহধার ত্যাগ  
করেন। তাঁহার পরম পবিত্র বাধাকৃত লীলাকথাপূর্ব সুদীর্ঘ জীবন-  
কাহিনী বৈকল্পগণের নিত্য আস্থাদনের বস্ত। মহাপ্রভুর পরিকরের মধ্যে  
ছয়জন গোষ্ঠামী ছিলেন, তন্মধ্যে একমাত্র কায়স্ত হইয়াও মহাপ্রভুর  
কৃপার এবং নিজ চরিত্রবলে তিনি প্রকাশ-সূর্য সর্ববর্ণের পূজনীয় ও  
প্রণম্য হইয়াছিলেন।

“শ্রীকৃষ্ণ শ্রীমন্তন ভট্ট রঘুনাথ।

শ্রীজীব গোপালভট্ট, নাম রঘুনাথ ॥

এই ছয় গোসাঙ্গির করি চরণ বন্দন ।

যাহা হইতে বিঘ্ননাশ অভীষ্ট পূরণ ॥

এই ছয় গোষ্ঠামী যবে খ্রজে কৈলা বাস ।

রাধাকৃষ্ণ নিতালীলা করিলা প্রকাশ ॥”

শ্রীমদ্ব রঘুনাথ গোষ্ঠামীর নিকট হইতে শ্রীশ্রিনিত্যানন্দ গৌরাঙ্গ প্রভুর জীবনের ষট্টনাবলী অবগত হইয়াই প্রধানতঃ হিন্দুদিগের অমূল্য গ্রন্থ “শ্রীচৈতন্তচরিতামৃত” শ্রীমদ্ব কৃষ্ণদাস কবিরাজ গোষ্ঠামী রচনা করেন। এই সম্বন্ধে শ্রীমদ্ব কৃষ্ণদাস লিখিয়াছেন :

“রঘুনাথ দাসের সদা প্রভু সঙ্গে স্থিতি ।

তাঁর মুখে শুনি লিখি করিয়া প্রতীতি ॥

‘শ্রীচৈতন্তচরিতামৃতে’র প্রতি পরিচ্ছদের গন্তে নিরোক্ত ভনিতাটি লিখিত আছে :

“শ্রীরূপ রঘুনাথ পদে যাব আশ । চৈতন্ত-চরিতামৃত কহে কৃষ্ণদাস ॥

তাহার ত্যাগ, বৈরাগ্য, জ্ঞান ও ভক্তির বিষয় গ্রন্থের ‘অন্ত্যলীলা’ মধ্যে অতি মধুর ও লোকপাবনী ভাষায় বর্ণিত আছে। রঘুনাথ যে সমস্ত অমূল্য ভক্তিমূলক ধর্মগ্রন্থ প্রণয়ন করিয়া গিয়াছেন, তাহার কতিপয় মুদ্রিত হইলেও, এখনও বহু হস্তলিখিত প্রাচীন পুঁথি কাটদষ্ট হইতেছে। উক্ত অপ্রাকাশিত পুঁথিগুলি প্রকাশ করিলে কেবল যে বঙ্গভাষা সমূক্ত হইবে তাহা নহে, তাহার জীবনব্যাপী সাধনার পথ অবলম্বন করিয়া, দেশবাসী ধন্য ও কৃতার্থ হইবে এবং ত্যাগ ও বৈরাগ্যের মূর্ত প্রতীক মানব কুলোজ্জলকারী রঘুনাথেরও কীর্তিস্তম্ভ সংরক্ষিত হইবে। সাহিত্য প্রসঙ্গে ৪০৯ পৃষ্ঠায় তাহার রচিত একটি পদ উন্নত হইয়াছে। তাহার অন্ত্যান্ত প্রসিদ্ধ গ্রন্থের নাম : শ্রীস্ত্রবাবলী শ্রীদানচরিত (দানকেলি-চিন্তামণি) ও শ্রীমুকুচরিত। পদকল্পতরু গ্রন্থেও তাহার কয়েকটি পদ আছে।

সপ্তগ্রামের এই প্রাচীন হিন্দু রাজবংশের দেবালয় ও রঘুনাথের সাধনক্ষেত্র দেখিয়া আজও ভক্তগণের হৃদয়ে রঘুনাথের দিব্য জ্ঞান ও ভক্তির স্মৃতি জাগ্রত হইয়া উঠে। যে মহাজ্ঞা এই জাতিকে প্রেমময় নামের দ্বারা সন্মাজের শীর্ষস্থানে উন্নীত করিয়াছিলেন, তাহার স্মৃতি-বিজড়িত স্থানের দেবালয়টি দর্শন করিলে লজ্জায় মস্তক অবনত হইয়া যায়।

ଆମାଦେର ଉଦ୍‌ଦୀନତାଯ ଓ ଅବହେଲାଯ ବିଗ୍ରହେର ସେବା ପର୍ଯ୍ୟନ୍ତ ପ୍ରତିଦିନ ହ୍ୟାନା ଏବଂ ଦେବାଲୟଟାଓ ବର୍ତ୍ତମାନେ ଯେକୁପ ଜୀର୍ଣ୍ଣ ହଇଯାଛେ, ତାହାତେ ମନେ ହ୍ୟାଯେ ଇହା ଧୂଲିମାଣ ହଇତେ ଆର ଦେବୀ ନାହିଁ ।

ବର୍ତ୍ତମାନ ମନ୍ଦିରଟା ରଘୁନାଥ ଦାସେର ‘ଶ୍ରୀପାଟ’ ବଲିଯା ଖ୍ୟାତ ଏବଂ ଇହାର ମଧ୍ୟେ ପୂର୍ବୋକ୍ତ ବିଗ୍ରହଗୁଳି ବାତୀତ ରଘୁନାଥେର ଅନ୍ତର୍ମ ଶିଷ୍ୟ କମଲଲୋଚନ ଗୋଷ୍ଠାମୀ ପ୍ରତିଷ୍ଠିତ ‘ଶ୍ରୀଶ୍ରୀ ନିତ୍ୟାନନ୍ଦ ଗୋରଙ୍ଗଦେବେର’ ବିଗ୍ରହ ଆଛେ ଇହା ଛାଡ଼ା ଯେ ପ୍ରକ୍ଷ୍ଵରମ୍ୟ ବେଦୀର ଉପର ବସିଯା ରଘୁନାଥ ସାଧନା କରିତେବେ ଏବଂ ତାହାର ବାବହତ କାଷ୍ଟ-ପାତ୍ରକାନ୍ଦ୍ର ( ଖଡ଼ମ ) ସତ୍ତ୍ଵେର ସହିତ ମନ୍ଦିର ମଧ୍ୟେ ସଂରକ୍ଷିତ ଆଛେ । ଭଗବଦ୍ଭକ୍ତ ସ୍ଵର୍ଗୀୟ ମତିଲାଲ ଶୀଳେର ପିତାମହୀ କର୍ତ୍ତକ ଏହି ମନ୍ଦିର ନିର୍ମିତ ହଇବାର ପର, ୧୩୧୬ ମାଲେ ବଞ୍ଚଦେଶୀୟ କାଯୁଷ୍ଟ ସଭାର ସଭ୍ୟ ସ୍ଵର୍ଗୀୟ ଅଧ୍ୟାପକ ହେଉଛନ୍ତି ମରକାର ମହାଶୟର ଚେଷ୍ଟାଯ ଏବଂ ରାଜ୍ୟିବନମାଲୀ ରାୟ, ରାୟ ସତୀନ୍ଦ୍ରନାଥ ଚୌଧୁରୀ, ରାୟମାନାଥର ରାଧାଗୋବିନ୍ଦ ରାୟ, କେଦାରନାଥ ଦତ୍ତ ଭକ୍ତିବିନୋଦ ପ୍ରମୁଖ କ୍ୟେକଜନ ଭକ୍ତେର ଅର୍ଥ ସାହାଯ୍ୟେ, ମନ୍ଦିରେର ସାମାନ୍ୟ କିଛୁ ସଂକ୍ଷାର ହଇଯାଇଲି । ପରେ ୧୩୩୦ ମାଲେ ଚାଁଚୁଡ଼ାର ସଦଗୋପବଂଶୀୟ ଶ୍ରୀଯୁକ୍ତ ହରିଚରଣ ଘୋଷ ନାରକ ଜନୈକ ଭକ୍ତ ପୁନରାୟ ମନ୍ଦିରେର କିଛୁ ସଂକ୍ଷାର କରିଯା ଦେନ ।

କୁମନ୍ତପୁର ଶ୍ରୀପାଠେର ମୋହାନ୍ତ ଶ୍ରୀଗୌରଗୋପାଳ ଦାସଅଧିକାରୀ, ଅର୍ଥାତାବେ ପଞ୍ଚାଶେର ମନ୍ତ୍ରରେ ଠାକୁରେର ସେବା କରା ଅମ୍ବତ୍ବ ହଇଲେ ତିନି ଶ୍ରୀମଦ୍ ରାମଦାସ ବାବାଜୀର ନିକଟ ଏହି ବିଷୟ ଜ୍ଞାପନ କରେନ ଏବଂ ୧୩୫୦ ମାଲ ହଇତେ, ରାମଦାସ ବାବାଜୀର ଅର୍ଥସାହାଯ୍ୟେ, ବିଗ୍ରହେର ସେବା କିଛୁଦିନ ଚଲେ । ଶ୍ରୀବିଜୟ ଚକ୍ରବର୍ତ୍ତୀ ବର୍ତ୍ତମାନେ ଏହି ଶ୍ରୀପାଠେର ସେବାଯେତ ।

ଶ୍ରୀକୃଷ୍ଣର ଲୌଲାଭୂମି ବୃନ୍ଦାବନେ ଶ୍ରୀରାଧାକୁଣ୍ଡ ଓ ଶ୍ରାମକୁଣ୍ଡ ଦେଖିଯା ଭକ୍ତଗଣେର ହାଦୟ ଭକ୍ତିତେ ଆସୁତ ହଇଯା ଯାଯା, କିନ୍ତୁ ସମ୍ଭାଟ ଆଓରଙ୍ଗଜେରେର ସମୟ ହିନ୍ଦୁଗଣ ମୁସଲମାନଦେର ଅତ୍ୟାଚାରେ ବୃନ୍ଦାବନ ତ୍ୟାଗ କରିଯା ଅନ୍ତର୍ଭାବରେ ଚଲିଯା ଯାନ ଏବଂ ବୃନ୍ଦାବନେର ଶ୍ରୀଗୋବିନ୍ଦଜୀଉ ଆଜଣ ଜୟପୁରେ ଆଛେନ, ତାହା ସକଳେ ଜାନେନ ।

ମହାପ୍ରଭୁ ସଥନ ବୃନ୍ଦାବନେ ଯାନ ତଥନ ଏହି ସ୍ଥାନ ଜଙ୍ଗଲକୀର୍ଣ୍ଣ ଛିଲ ଓ ଉତ୍କଳ କୁଣ୍ଡବୟର ଚିତ୍ତମାତ୍ରାଙ୍କ ଛିଲ ନା । ତାହାର ସହିତ ଶ୍ରୀରକ୍ଷଣ, ଶ୍ରୀସନାତନ, ରଘୁନାଥ ଭଟ୍ଟ ଶ୍ରୀଜୀବ ଗୋଷ୍ଠାମୀ, ଗୋପାଳ ଭଟ୍ଟ ଓ ରଘୁନାଥ ଦାସ ଗୋଷ୍ଠାମୀ

প্রাত্তি ভক্তবৃন্দ ছিলেন। তাহারা মহাপ্রভুকে উক্ত কুণ্ডয়ের বিষয়ে জিজ্ঞাসা করিলে, তিনি ত্রৈষ্ঠ কয়েকটি জলাত্মিকে শ্রীরাধাকুণ্ড ও শ্যামকুণ্ড বলিয়া দেখাইয়া দেন তাহা পূর্বেই লিখিত হইয়াছে।

মহাপ্রভু তাঁরপর অগ্নি চলিয়া যাইলে, রঘুনাথ মেই জলাত্মিক ভগবৎ আরাধনার উপরুক্ত স্থান ভাবিয়া, তথায় আশ্রয় গ্রহণ করেন এবং কি উপরে শ্রীকৃষ্ণের এই পুণ্য জলাশয় দুইটিকে পূর্বের ত্যায় বিশালাকায় করিতে পারা যায়, সে বিষয়ে চিন্তা করিতে লাগিলেন। যে জলাত্মিগুলিকে মহাপ্রভু শ্রীরাধাকুণ্ড ও শ্রীশ্যামকুণ্ড বলিয়া দেখাইয়া দেন, সেই সকল জমি তখন অন্তর্লোকের তত্ত্বাবধানে ছিল। তখন রঘুনাথের কানে কেবল ঝঞ্চত হইত :

‘শ্যামকুণ্ড-রাধাকুণ্ড গিরিগোবর্ধন

মধুর মধুর বংশী বাজে এইত বৃন্দাবন

রঘুনাথ যদিও সপ্তগ্রামের রাজপুত ছিল, তথাপি ত্যাগের পর তিনি ভিক্ষা করিয়া দিনাতিপাত করিতেন। প্রথমে তিনি শ্রীজগন্নাথদেবের মন্দিরের সিংহদ্বারে ‘অযাচক-বৃন্তি’ অবলম্বন করেন, পরে অযাচক বৃন্তি পরিত্যাগ করিয়া ‘মাধুকরী ভিক্ষা’ স্বীকার করেন। রঘুনাথ ‘মাধুকরী-ভিক্ষা’ করিতেছেন শুনিয়া মহাপ্রভু আনন্দিত হইয়া বলেন ‘সিংহদ্বারে ভিক্ষাবৃন্তি—বেশ্যার আচার।’ মহাপ্রভু শ্রীরাধাকৃষ্ণের রাগময়ী দেবায় রঘুনাথের কৃচি দেখিয়া তিনি তাঁহার শুঙ্গমালা ও গোবর্ধনশিলা তাঁহাকে দান করেন ইহার পর হইতে রঘুনাথ কেবলমাত্র স্থে পরিত্যক্ত ও বাসি মহাপ্রসাদ জলে ধুইয়া গ্রহণ করিতেন। মহাপ্রভু ইহাতে সন্তুষ্ট হইয়া একদিন রঘুনাথের নিকট হইতে সেই বাসি মহাপ্রসাদ বলপূর্বক কাঢ়িয়া লইয়া তাহা আস্থাদান করেন।

রঘুনাথদাস গোষ্ঠীর অতঃপর বৃন্দাবনের জমিগুলি যাহা অপরের হাতে ছিল তাহা ক্রয় করিতে লাগিলেন এবং পুনরায় তাহা খনন করাইয়া স্বচ্ছ জলাশয়ে পরিণত করিলেন।

মহাপ্রভুর দ্যজন পরিকরের মধ্যে অন্ততম শ্রীরঘুনাথের চেষ্টায় বৃন্দাবন আবার শ্রীরাধাকৃষ্ণের লীলাক্ষেত্র বলিয়া বৈষ্ণবগণের নিত্য আস্থাদানের বস্তু হইয়াছে।

ক্রয়ক বৎসর পূর্বে বৃন্দাবন কুসুমসরোবরবাসী গোয়ালিয়র মন্দিরের মোহন্ত শ্রীযুক্ত উদ্ধারণ দাস বাবাজী রঘুনাথদাম কর্তৃক ক্রৌত ছয়খানি দলিল আবিষ্কার করিয়াছেন। প্রথম দলিলখানি আশি টাকার দ্বিতীয় ও তৃতীয়খানি ত্রিশ টাকার চতুর্থখানি কুড়ি টাকার পঞ্চমখানি চৌদ্দ টাকার ও ষষ্ঠিখানি চৌষট্টি টাকার। দলিলগুলি উচ্চ ভাষায় লিখিত। স্বর্গীয় পশ্চিম অঞ্চলাধন দ্বারা ভট্ট উক্ত দলিলগুলির বঙ্গাহুবাদ করিয়াছেন। এই দলিলগুলি শ্রীরাধাকৃষ্ণ বস্তু সম্পাদিত উড়িয়া সাম্প্রাচিক পত্র ‘ধর্ম সমাচারে’ ( ২০শে সেপ্টেম্বর ১৯৯৯ ) প্রকাশিত হইয়াছিল। শ্রীরাধাকৃষ্ণ বিষয়ক প্রাচীন দলিলের কপি বরাহনগর পাটবাড়ী ‘শ্রীগোরাঙ্গ গ্রন্থ মন্দিরে’ সংরক্ষিত আছে।

পাটবাড়ি ‘শ্রীগোরাঙ্গ গ্রন্থ মন্দিরে’র গ্রন্থাগারিক শ্রীবৈষ্ণবচরণ দাস বাবাজী রঘুনাথের সমস্ত দলিলগুলি আমায় দেখিতে দিয়া অনুগ্রহীত করিয়াছেন। আমি পাঠকবর্গের অবগতির জন্য একখানি দলিল এবং উক্ত জমির দখল লইয়া যে মামলা হয় তাহার বিবরণ এবং রঘুনাথ কর্তৃক শ্রীজীবগোষ্ঠীকে সমস্ত সম্পত্তি দানপত্রের দলিল কিকপ হিল তাহা এই স্থলে উল্লেখ করিলাম।

শ্রীবৃন্দাবনের শ্রীরাধাকৃষ্ণ উদ্ধারের পূর্বে উহা কৃষকদিগের কৃষিক্ষেত্রে পরিণত হইয়াছিল। শ্রীল রঘুনাথ দাস গোস্বামী ঐ সমুদ্দায় কৃষিক্ষেত্র খুরিতা দলিল দ্বারা ২৭৮ টাকায় ক্রয় করিয়াছিলেন। নিম্নে ঐ দলিলগুলির মধ্যে প্রথমটির ভৱত অকল প্রদত্ত হইল।

### ১ম দলিল

খাদিম

সরাহা রঘুনাথ

মুত্তিন কৃতবুদ্ধিন

তমস্তুকত্ব মোহর সরিয়াত সাহা কাজি বদতুদিন একরারসেত্ব তাঁ ৯  
জফর সন ১৯৬ গিজিরা গরজহৈ লেখকে ত্রহেকি মুসমিয়ান কাহাত্ত লদ  
কানরো সলুঘা-ত্ব দুশা অধীরাত্ত-মুকসা, নজা-ত্ব কল্পি কুজ্জাত্ব অসুয়া  
গোবিন্দা ত্ব চেষ্টিয়া, ভূরিয়া ত্ব কনকা। সা-মৌ অরঢ়ি উরক রাধাকৃষ্ণ  
অমনা পরগণা সহর কেহে। যো কি যমিন্ মজকুর। বা কৃষ্ণকৃষ্ণ

তরফ উত্তর করলি বড়াকুত্তা গোবিন্দ। তরফ পূরুর মাল হু দরখঃ দিস্  
হু তরফ দক্ষিণ দেছালা মহাদেব। আপনি খুসিসে মোবালিক আশি  
(৮০) কুপিআ শিঙ্কা হাল মাঃ রঘুনাথ দাস যদি বদশ জীব গোসাই  
কেঁ। ফরোকত কিয়া কুপিয়া অপনে খবচ হৈ লায়। অগর কোই  
দাবোদার হোত ঝুটা সময়া ঘায়।

### বঙ্গানুবাদ

কস্তু তমশুকুম্ব মোহর মুসলমানী আইনাহুসারে সাহাকাজী বদরহন্দি  
রেজিস্টারী করিতেছেন। তারিখ ১৯৫ সফর, সন ১৯৬ হিজরি। দাতা  
কাঁহা পিতা কলকু, শুমিয়া পিতা তুশা, অধৱা পিতা মুকসা, মজা পিতা  
কন্নি, কুজা পিতা অম্বয়া, গোবিন্দ পিতা চোহরা, ভুরিয়া পিতা কনকা।  
সৰ্ব সাং অরিট ওরফে রাধাকুণ্ড, পরগণা অমলা, সহর কেঁহে ভূমির  
তপসিল চৌহন্দি। উত্তরে কৃষ্ণকুণ্ড ও গোবিন্দের বড় পুক্ষরিণী।  
পূর্বে লাল জমি ও বৃক্ষ। দক্ষিণে মহাদেবের দোতলা বাড়ী।

আমরা সৎ নগদ ৮০ (আশি) টাকা রঘুনাথ দাসের মারফত  
বুবিয়া পাটিয়া জীব গোসাইকে উক্ত চৌহন্দিস্থিত ভূমি সজ্জানে অন্ত্যের  
বিনান্তরোধে স্বেচ্ছাপূর্বক নিজ নিজ ইচ্ছায় হস্তান্তর করিলাম। যদি  
ভবিষ্যতে আমরা কিম্বা আমাদের কোন উত্তরাধিকারী অথ কোন  
উত্তরাধিকারী বা অন্য কেহ কোন কোন প্রকারের ওজর-আপত্তি কিম্বা  
দাবী-দাওয়া করে, তাহা আইনত অগ্রহ্য হইবে।

এক সময়ে নাথরাম নামক জনৈক মথুরাবাসী ব্রাহ্মণ শ্রীশ্রীরাধা-  
কুণ্ডের কতক জমি বেদখল করিবার চেষ্টা করায় ও শ্রীরাধাকুণ্ডের  
নিকটবর্তী বৃক্ষলতাদি বলপূর্বক ছেদন করায় শ্রীল জীব গোস্বামী প্রভুর  
অনুগত শ্রীযুক্ত গোপী দাস নামক জনৈক মশাঅ ঠ সময়ে বাদশ্য  
সরকারে নালিশ করিয়া জয়লাভ করিয়াছিলেন। নালিশের দরখাস্ত ও  
রায়ের নকল এই :

### দরখাস্ত

বাদসাহ মহম্মদ শাহাকা

ত্বথত ফিদবী সয়দ

গইরসরেহয়া বাহাদুর

সিজাত দস্তগা মহম্মদ হইয়াত লগায়ত উমেদবার হেকি গোপীদাস সাং  
কসবা বৃন্দাবনে দরবার কিআ কি মেরে বড়োনে মৌঃ রাধাকুণ্ড অমনা  
পরগণা শহরমে যমিন খরিদি তলাটি অওর বগিচা বনায়ে। ইন দিনো  
নাথেরাম সাং কসবা মথুরা চাহ তা হে অওর ভবরদস্তি যমিন পর কবজা  
করতো হে। লিহাজা অরজ হে কি ইস মোকদ্দমে গৌর ফরমা  
কর দাদুরসি করে। অওর উসকো মদাখিলত বেজা সে মনা কিআ ঘায়।  
তাঁ ১৭ সিবান সন ৫২।

### বঙ্গাঞ্চুবাদ

গোপীদাস সাং কসবা, বৃন্দাবন এই বলিয়া অভিযোগ করিতেছে যে  
অমলা পরগণার অন্তর্গত রাধাকুণ্ড গ্রামে যে ভূমি খরিদ করিয়া পুষ্করিণী  
এবং বাগান প্রস্তুত করিয়াছিলেন, সেই ভূমি বর্তমানে কসবা মথুরা  
নিবাসী নাথেরাম নিজের বলিয়া দাবী করিয়া উক্ত ভূমি দখল  
করিয়াছেন। প্রার্থনা এই যে বিবাদীকে তলব করিয়া স্মৃবিবেচনা  
পূর্বক ইহার স্মৃবিচার করিতে আজ্ঞা হয়। ১৭ রিক সাবন সন ৫২।

### উক্ত মোকদ্দমার রায়ের বঙ্গাঞ্চুবাদ

ফৌজদারী হাল ও ইস্তাকনা পরগণা ইসনানাবাদ। মথুরা বদানদ।  
নবাব কুতুবুদ্দিনের মোহরযুক্ত ১৭ই সিবান সন ২০। আমি ইহা  
ভালকুপে বুঝিতে পারিয়াছি যে, বৃন্দাবন নিবাসী গোপীদাস অরিট ওরফে  
রাধাকুণ্ড গ্রামে ভূমি খরিদ করিয়া তাহাতে পুষ্করিণী খনন ও বাগান  
তৈয়ার করিয়াছে। কসবা নিবাসী নাথেরাম দাস নামক এক ব্রাহ্ম  
অন্ত্যান্ত লোকের সহিত মিলিত হইয়া যোগসাজাসে ঐ ভূমির ক্ষয়দংশ  
দখল করিয়া লইয়াছে। আমি অনেকের সাক্ষ্য গ্রহণ করিয়া জানিতে  
পারিলাম যে এই জমির একমাত্র দখলকার জীব গোসাই। ইহার অন্ত  
কোন অংশীদার নাই। বিবাদী ইহার সম্পূর্ণ ক্ষতিপূরণ করিবে।  
হিজরি সন ৫২। উক্ত জমিগুলি শ্রীরঘূনাথ দাস গোস্বামী শ্রীজীব  
গোস্বামীকে যে হেবানামা (দানপত্র) প্রদান করেন তাহার বঙ্গাঞ্চুবাদ  
নিয়ে লিখিত হইল :

কস্তু দানপত্র মোহর মুসলমানী আইনানামুসারে কাজি বদরুদ্দিন  
রেজেষ্ঠারী করিতেছেন। তারিখ ৭ই রিক, রজব মাস, সন ১৯৬ হিজরী।

আমি গেঁসাই রঘুনাথ দাসের নিকট হইতে মৌজা অরি পরগণাট  
অমলা সহর বমজীব অন্তর্গত যে ছয় খণ্ড ভূমি দুইশত ৩৮ টাকায়  
খরিদ করিয়াছিলাম, তাহা সজ্ঞানে স্বেচ্ছাপূর্বক আপন ইচ্ছাতে জীব  
গেঁসাই পিতা বন্নব গেঁসাইয়ের নিকট বিক্রয় করিলাম এবং ৭০ টাকা  
মগদ বুঝিয়া পাইলাম। ঐ জমি সংক্রান্ত যে সকল দলিলপত্রাদি  
আমার নিকট ছিল, তাহাও গেঁসাই রচাশয়কে দিয়া দিলাম। যাহাতে  
ভবিষ্যতে কেহ কোন প্রাকার উজর-আপত্তি ও দাবী না করিতে পাবে।

### তপসিখ চৌহদ্দি

- (১) উত্তর-পূর্ব তমস্তথ মোবারক খাঁ : ১ রঞ্জব সন ১৫৪ হিজরী।
- (২) উত্তর গোবিন্দের কদলী বৃক্ষের বাগান, নদমা—দক্ষিণে  
মহাদেবের দ্বিতীয় গৃহ। ৯ই সফর সন ১৬০ হিজরী মূল্য ৮০ টাকা।
- (৩) দক্ষিণ-পশ্চিম—মেবারক খাঁর জমি ১৭ সওয়াল হিজরী  
১৫৩। মূল্য ৩০ টাকা।
- (৪) দক্ষিণ-পশ্চিম ও পূর্ব—তমস্তথ মোবারক খাঁ ১০ই সওয়াল  
হিজরী ১৫৩। মূল্য ৩০ টাকা।
- (৫) দক্ষিণ—ঘাট ও বৃক্ষ মোবারক খাঁ। ১৫ জমাদিয়াসানি সন  
১৮৫ হিজরী। মূল্য ২০।
- (৬) উত্তর—মোবারক খাঁর জমি। ১১ সফর ১৮১ হিজরী।  
মূল্য ১৪ টাকা।

- (৭) উত্তর—মোবারক খাঁর কলাগাহ ও নিমগাছ। ৯ই সফর  
সন ১৮৫ হিজরী। মূল্য ৬৪ টাকা।

কালক্রমে শ্রীরাধাকুণ্ড ও শ্রীশ্নামকুণ্ড পুনরায় জঙ্গলাবৃত হইলে  
বৈষ্ণবকুলতিলক লালাবাবু উক্ত কুণ্ডের পুনরায় সংস্কার করিয়া উত্তর  
কুণ্ডের মধ্যে ছয় লক্ষ টাকা ব্যয়ে একটি সেতু নির্মাণ করিয়া দেন।  
কান্দী রাজবংশের এই মহাজ্ঞা অনাবৃত অবস্থায় শ্রীরাধাকুণ্ডের তীরে  
বসিয়া সাধন-ভজন করিতেন। এই সম্বন্ধে ১৮২০ খ্রিষ্টাব্দের ১৭ জুন  
তারিখের ‘সমাচার দর্পণ’ পত্রে যে সংবাদ প্রকাশিত হইয়াছিল তাহা  
এইরূপ :

শ্রীবৃন্দাবন তৌরের অন্তঃপাতি রাধাকৃষ্ণ ও শ্যামকৃষ্ণ এই দুই তীর্থস্থান অপরিষ্কারে জঙ্গল হইয়া লুপ্তপ্রায় হইয়াছিল। তিনি [লালাবাবু] দে দুই স্থান পুনর্বার সংস্কার করিয়া পূর্ব হইতে অধিক শোভ স্থিত করিয়াছেন। লোকে কহে তাহাতে ৬ লক্ষ টাকা বায় হইয়াছে।

## ॥ একটি অপ্রচার ॥

শ্রীরাধাগোবিন্দ নাথ কর্তৃক সম্পাদিত শ্রীচৈতন্যচরিতামৃতে ‘অগ্নিপুরাণে’ লিখিত বলিয়া একটি কান্ননিক শ্লোক উদ্ধৃত করিয়া তিনি রঘুনাথকে শুন্দ বলিয়া লিখিয়াছেন। শব্দকল্পনামের ১ম সংস্করণে এই শ্লোকটি আবিভৃত হয়। কিন্তু এসিয়াটিক সোসাইটিতে অগ্নিপুরাণের ষষ্ঠগুলি পুঁথি আছে কোথায়ও এই শ্লোকটি দেখিতে পাওয়া যায় না। রঘুনাথ তথা সমগ্র কায়স্তজাতিকে হেব করিবার জন্য ‘অগ্নিপুরাণ’ হইতে গৃহীত বলিয়া যে কল্পিত বচনটি রাধাগোবিন্দবাবুও উদ্ধার করিয়াছেন উহা কোন প্রাচীন গ্রন্থে নাই। শ্রীসীতারাম শঙ্কারনাথও তাঁহার পত্রে (স্বরকুমারজলি, ১৬৩) ‘কায়স্ত যে শুন্দ তা অগ্নিপুরাণে স্পষ্টভাবে কথিত হয়েছে’ বলিয়া উল্লেখ করায় বাংলার মহান কায়স্ত সমাজ তাঁহার অনৈতিহাসিক, অশাস্ত্রীয় ও অশোভন উক্তিতে বিক্ষুক হইয়াছেন। এই সম্বন্ধে এসিয়াটিক সোসাইটির কর্ণধার রাজা রাজেন্দ্রলাল মিত্র ফরিদপুর আর্যকায়স্ত সমিতির সম্পাদকদের নিকট যে পত্র দিয়াছিলেন তাহা ১২৯৭ সালের কার্তিক মাসের ‘আর্যকায়স্ত প্রতিভা’ পত্রে (পৃষ্ঠা ২৯১—২৯২) প্রকাশিত হয়। রঘুনাথ সম্বন্ধে হীন উক্তির প্রতিবাদকল্পে রাজা রাজেন্দ্রলালের মেই অবিস্মরণীয় পত্রখানি নিম্নে উদ্ধৃত হইল :

8 Maniktollah Road, Dec. 13th, 1890.

Babu Brajendrakumar Ghose Barma and Babu Chaitanyakrishna Nag Barma Arya Kayastha Samiti,  
Furidpore.

Dear Sirs,

Owing to ill health I have not been able to answer your querry of the 4th Sept. last. I have now examined the Agnipurana and find that the slokas you have cited are not found in any standard M. S. in fact I have not seen them anywhere, and the ont's of proving their authenticity lies with your antagonist and not with you. It is easy enough to write out Sanskrit anustop verses on any conceivable subject, but citations of such questionable character are not worth refuting. They cannot be subject of proof.

Yours truly,

(Sd) Rajendra Lal Mitra.

বঙ্গভূবাদঃ শারীরিক অনুস্থতাবশতঃ আপনাদের বিগত ৫ষ্ঠা  
মেপ্টেম্বরের পত্রে যে জিজ্ঞাসা বিষয় ছিল, তাহার উত্তর প্রদান করিতে  
সক্ষম হই নাই। এখন আমি ‘অগ্নিপুরাণ’ পাঠ করিয়া দেখিলাম যে,  
আপনাদের উক্তাত বচন কোন সর্বমাত্র হস্তলিখিত গ্রন্থে প্রাপ্ত হওয়া যায়  
না। ফলতঃ কোন গ্রন্থেই প্রাপ্তব্য নহে। সুতরাং উক্ত বচনের  
প্রকৃততা সপ্রমাণ করিবার ভার আপনাদের প্রতিপক্ষের উপর অপ্রিত  
আছে—আপনাদের উপর নহে। কোন চিন্তনীয় বিষয়ে সংস্কৃত অনুষ্ঠিপ  
ছন্দে শ্লোক রচনা করা অতি সহজ বটে কিন্তু এই প্রকার উক্তাত বচন  
কখনই প্রতিবাদের ঘোগ্য নহে। এই সকল শ্লোক প্রমাণের বিষয়  
হইতে পারে না।

কবি নাভাজী হিন্দিভাষায় ‘ভক্তমাল’ গ্রন্থ রচন করেন; উহাতে  
ভারতের প্রসিদ্ধ সাধক ও ভক্তবৃন্দের জীবনী লিখিত আছে। লালদাস  
বাবাজী নাভাজী কৃত হিন্দী ভক্তমাল হইতে বঙ্গভাষায় প্রথম ‘ভক্তমাল’  
রচনা করেন। উহাতে রঘুনাথ-প্রসঙ্গ পর পৃষ্ঠায় দ্রষ্টব্যঃ

রঘুনাথ শ্রীমান দাস যে গোপ্তামী ।  
 অনুরাগ পরকাষ্ঠা শ্রীরাধা-গোপিনদে ।  
 শ্রীগৌরাঙ্গ কল্পাবলে বৈরাগ্য জনিল ।  
 শুভরী শুভতী নারী ভূষণে ভৃষিত ।  
 সর্বত্যাগ করিয়া শ্রীগৌরাঙ্গ চরণে ।  
 নিকথিয়া যায় পুন পুন ধরি আনে ।  
 এবলক্ষের বাজ্যাপ্পদ মেঁপিল তাহারে ।  
 তথায় রাখিতে নারে কৃষ অনুরাগে ।  
 অনেক পহরা চৌকি বাঁধিয়া হারিল ।  
 রঘুনাথ উৎকৃষ্টত গৌরাঙ্গ বলিয়া ।  
 কেহ শিষ্ট লোক কহে অমুচিত ইহ ।  
 এ হেন ঐশ্বর আর এ শুভতী নারী ।  
 পট্টুরজ্জু ছিয়া কি বাঁধিয়া রাখা যায় ।  
 এত শুনি বক্তুন খুলিয়া নিজ জন ।  
 তেঁহো হেঁটিমাথে রহে কিছু নাহি কহে ।  
 লোক চৌকি রাখি সভে সতর্ক রহিল ।  
 আত উৎকৃষ্টত মন উন্মত্তের প্রাপ্ত ।  
 জল কি জঙ্গল তথ কটক শর্করা ।  
 বারো দিনে উত্তরিলা শ্রীপুরুষোত্তম ।  
 পুরুষোত্তম গিয়া শ্রীমান চৈতন্যচরণে ।  
 হে নাথ হে প্রভো হে করণা নিধন ।  
 অনাথ অধম মুণ্ডি গতিহীন দীন ।  
 শ্রীচরণতলে পড়ি ধূলায় ধূমৰ ॥  
 কাতর দেখিয়া প্রভুর দয়া উপজিল ।  
 শক্তি সঞ্চারিয়া তবে প্রেমভক্তি দিল ।  
 শ্রীমান দাস রঘুনাথ নাম হৈল থ্যাত ।  
 সিংহস্বারি ধাকি কৈল অ্যাচক বৃত্তি ।  
 শড়ী মহাপ্রসাদ যাহা কুণ্ডেতে ডারয়ে ।  
 তাহাই আহার মাত্র প্রণৱক্ষা কাজে ।  
 প্রভু তাহা শুনি অতি আনন্দিত হজ্জা ।  
 প্রভুর আজ্ঞায় সাম গোষ্ঠী প্রিণ মহান ।  
 শ্রীরাধাকুণ্ডের তীরে কারশেন বাস ।  
 রাধাকৃষ্ণ প্রাণ্পি লাগি সদা উৎকৃষ্টত ।  
 হে হে বৃন্দাবনেখি হে অজনাগর ।  
 নিরাহার নাহি সদা করয়ে ফুকার ।  
 দাস গোপ্তামীর পূর্বাপর যত লীলা ।

প্রচণ্ড বৈরাগ্য ধার মহ ভক্ত প্রেমী ॥  
 দিবামিশি নাহি জানে মন্ত্র প্রেমানন্দে ॥  
 পিতার যে রাজ্যাপ্পদ তাহে সুন্মা হৈল ॥  
 বিষতুল্য মানে তাহা হেরিয়া কম্পিত ॥  
 যাইয়া প্রপন্থ হইবারে হৈল মনে ॥  
 পিতামাতা কাতর সদাই দুঃখ মনে ॥  
 অপ্সরার তুলা যে শুভতী নারী ঘৰে ॥  
 সে সকল তুচ্ছ করি বিষয়ভয়ে ভাগে ॥  
 শেষে রঞ্জু দিয়া হাত বাঁধিয়া রাখিল ॥  
 উচ্চস্থরে কান্দে সাধু ভূমেতে পড়িয়া ॥  
 নির্বোধ তোমরা কেহ বৃক্ষিতে নারহ ॥  
 হেন রঞ্জু ছিন্দে যেই তারে হরি হরি ॥  
 কেন বৃথা বান্ধ থুল দেহ হায় হায় ॥  
 অনেক বৃথায় সভে করিয়া ক্রন্দন ॥  
 গৌরাঙ্গ হৃদয়ে যথা গ্রহ চাপে দেহে ॥  
 বারিযোগে রঘুনাথ উঠি পলাইল ॥  
 দিগ্বিদিগ নাহি ফিয়া তাকায় ॥  
 নাহি মানে য স্ব মাত্র বাড়লের পারা ॥  
 তার মধ্যে তিন সদা আহার যে নাম ॥  
 পার্ডুলা হষ্টাং গিয়া করিয়া ক্রন্দনে ॥  
 কৃপ কর শ্রীচরণে লইয় শরণ ॥  
 কৃপাবলোকন কর জানিয়া অধীন ॥  
 স্তুতিরতি করে অতি কাতর অন্তর ॥  
 মুচকি হাসিয়া তুলি আলিঙ্গন কৈল ॥  
 নিজ পারিষদে প্রভু প্রাধনে গণিল ॥  
 পরম বৈরাগ্য কৃষ্ণপ্রেমে উন্নত ॥  
 কথোদিনে তাহা ঢাঢ়ি কৈল কিছু শুক্তি  
 ধূইয় তাহার মর্দন বণ্ণ য ধাকয়ে ।  
 বিষয় স্তুথের লেশমাত্র নাহি শুজে ।  
 প্রসংসেন অন্ত উক্তগণে শুনাইয়া ॥  
 কথোদিনে কৈল বৃন্দাবনেরে গমন ॥  
 দিবামিশি সদা রাধা কৃষ্ণ প্রেমোন্মাস ॥  
 সদা হাহাকার শব্দে পিত নহে চিত ॥  
 দেখাইয়া শ্রীচরণ প্রাণ রাখ ঘোর ॥  
 বাহুকুণ্ডি নাহি সদা যেন মাতোয়ার ॥  
 কহিতে নারি এ কিছু সংক্ষেপে বর্ণিলা ॥

শ্রীপাদ সনাতন গোষ্ঠামী ‘শ্রীশ্বিহরি ভক্তিবিলাসে’র ১১২ শ্লোকের টীকায় শ্রীরঘূনাথ সম্বন্ধে লিখিয়াছেন : শ্রীরঘূনাথ দাসোনাম গৌড়-কায়স্তকুলাস্তুভাস্করঃ পরমভাগবতঃ ইত্যাদি ।

রঘূনাথ গোষ্ঠামীর শ্রীপাঠে বহু প্রাচীন পুঁথি ছিল, কিন্তু কালক্রমে উহার অধিকাংশ নষ্ট অথবা বিভিন্ন বাক্তি কর্তৃক স্থানান্তরিত হইয়াছে। এইস্থানে একখানি প্রাচীন শ্লোকচৈতন্যচরিতামৃতের পুঁথি আমি দেখিয়াছি ; উহার শেষে এই কথাগুলি লিখিত আছে :

‘শাকেসিন্ধুশ্বিবামেন্দৌ জৈষ্ঠে বৃন্দাবনান্তরে ।

সুর্যোক্ষসিত পঞ্চমাংগ্রহোয়ং পূর্ণতাংগতঃ ।

শ্রীমন্মদমগোপাল গোবিন্দদেবতষ্টয়ে ।

চৈনত্যপিতমস্তে চৈতন্যচরিতামৃতঃ ।

যথা দৃষ্টঃ তথা লিখিতঃ দোসনামকঃ । শ্রীমাধবদাসস্ত, সাঃ গাড়াঘাটা ।’ ইহা হইতে ৫৩৭ শকাব্দে উক্ত গ্রন্থ শ্রীমাধব দাস কর্তৃক নকল করা হইয়াছিল জানা যায় ।

ত্যাগ ও বৈরাগ্যের প্রতিমূর্তি বাংলার জাতীয়-গৌরব শ্রীল রঘূনাথ দাস গোষ্ঠামীর ত্যায় কয়জন মহাপুরুষ বাংলা দেশকে পবিত্র করিয়াছেন ? রঘূনাথ প্রবর্তিত পুণ্যসলিলা সরস্বতীর উপকূলে প্রতি বৎসর যে উত্তরায়ণ মেলার ( ১লা মাঘ ) অনুষ্ঠান আজ সাড়ে চারিশত বৎসর ধরিয়া চলিয়া আসিতেছে, তাহার সংবাদই বা কয়জন জানেন ?

জাতীয় মহাপুরুষদিগের মহিমা বিস্মৃত হওয়া যে আমাদের জাতীয় জীবনের ঢর্ভাগ্যের পরিচায়ক, তাহা বোধ হয় কেহই অস্বীকার করিবেন না । শ্রীভগবানের অংশ সম্মুত রঘূনাথ জীবের প্রতি কৃপা বিতরণের জন্য নরাকারে যে স্থানে এবং যে জাতির মধ্যে আবিভূত হইয়াছিলেন, তাহার স্মৃতি বিজড়িত সেই স্থানের বক্ষাকল্পে, যদি আমরা সচেষ্ট না হই—আমাদের অবহেলায় ও উদাসীনতায় যদি মানবকুল উদ্বারকারী প্রেমময় মহাজ্ঞার নাম এবং মানব জাতি ও বৈষ্ণব সংস্কৃতির মূর্তি-প্রতীক চিরদিনের জন্য বিলুপ্ত হইয়া যায়, তাহা হইলে আমাদের আর যে কোন আশা নাই, একথা নিঃসশয়ে বলা যাইতে পারে ।

কৃষ্ণপুরে বর্তমানে ২০ ঘর হিন্দু ও ৩০ ঘর মুসলমানের বাস আছে। অবস্থাপন্ন লোক গ্রামে কেহই নাই। সম্পত্তি গ্রামে একটি প্রাথমিক বিদ্যালয় স্থাপিত হইয়াছে। গ্র্যাউন্ড-ট্রাঙ্ক রোডের সপ্তগ্রাম হইতে কৃষ্ণপুরের শ্রীপাট পর্যন্ত যে এক মাইল কাঁচা রাস্তা আছে, উহার নাম রবুনাথদাস গোস্বামী রোড। এই রাস্তাটি পাকা করিলে ঘাতাঘাতের খুব সুবিধা হয়। গ্রামে প্রবেশ করিলেই দেখা যায় ছুড়ি ইট ও শিবলিঙ্গের ভগ্ন প্রস্তর খণ্ড ইতস্ততঃ বিক্ষিপ্ত। উহা হইতে এই গ্রাম যে এক সময় বর্ধিষ্ঠ ছিল তাহা প্রমাণিত হয়। সরকারী উচ্চোগে পুরাতত্ত্ব বিভাগ যদি অন্বেষণ করেন তবে বহু প্রাচীন ঐতিহ্য ও মূল্যবান দ্রব্যাদি এই স্থান হইতে আবিষ্কৃত হইতে পারে। সম্পত্তি এই গ্রামের লেখক এই স্থান হইতে একধানি পঞ্চদশ শতাব্দীর কারুকার্যথচিত টুকুক আবিষ্কার করিয়াছেন। তাহার বিবরণ ৭৫৯—৬০ পৃষ্ঠায় লিখিত হইয়াছে।


কৃষ্ণপুরে বাঁশবন ও ঘন জঙ্গলের মধ্যে একটি জোড়া শিবমন্দির আছে। উহা ‘১৭২০ শকাব্দে’ প্রতিষ্ঠিত বলিয়া লেখা আছে। মন্দিরের মধ্যস্থিত শিবলিঙ্গ চামচকির মলত্যাগে আবৃত হইয়া আছে। পূজাও বহুদিন হইতে বন্ধ হইয়া গিয়াছে। এটি মন্দিরের প্রতিষ্ঠাতা ছিলেন সরকার বংশীয়গণ। তাঁহাদের বাস্তুভট্টা দেখিলে মনে হয়, একদা তাঁহাদের অবস্থা ভাল ছিল। শ্রীপুর গ্রামের শ্রীরাধাল সরকার এই বংশের লোক ছিলেন বলিয়া শোনা যায়। কৃষ্ণপুরের প্রাচীন নির্দশন হিসাবে এই জোড়া শিবমন্দির সংরক্ষিত হওয়া উচিঃ। গত লোক গণনায় কৃষ্ণপুরের জনসংখ্যা ২৯৯ জন ছিল।

কালিদাস মজুমদারঃ রবুনাথ দাস গোস্বামীর জ্ঞাতি খড়া। বৈষ্ণবের পদবর্জ এবং বৈষ্ণবের উচ্ছিষ্টে ইহার অচলা নিষ্ঠা ছিল। ইনি সাক্ষাত্ভাবে বা কৌশলে পরিচিত সকল বৈষ্ণবেরই পদবর্জঃ ও অধরাম্বত গ্রহণ করিয়াছিলেন। কিছু উপহার লইয়া তিনি বৈষ্ণব গৃহে যাইতেন। তাহার নিকটে বৈষ্ণবের জাতিবিচার ছিল না। এক সময়ে তিনি ভূমিমালী জাতীয় বৈষ্ণব বর্ডুঠাকুরের গৃহে একটি ঠোঙ্গায় করিয়া

কতকগুলি আম লইয়া গিয়াছিলেন। যাইয়া ঝর্ণাকুরকে এবং তাহার পত্নীকে প্রণাম করিয়া কতকণ কৃষ্ণকথার আলাপন করিয়া চলিয়া আসিতেছিলেন। ঝর্ণাকুরও তাহার অনুগমন করিয়া কতদুর পর্যন্ত যাইয়া তাহারই অভ্যরণে গৃহে ফিরিয়া আসেন। তিনি ক্ষুর অস্তরালে যাইলে যে স্থান দিয়া তিনি যাতায়াত করিয়াছিলেন, কালিদাস সেই স্থানের ধূলি লইয়া সর্বাঙ্গে মাখিলেন এবং জঙ্গলে লুকাইয়া থাকিয়া দেখিলেন ঝর্ণাকুর এবং তাহার পত্নী কৃষ্ণনিবেদিত আম খাইয়া গোয়া আটি ও বঙ্গল আস্তকুড়ে ফেলিয়া দিলেন। কালিদাস গোপনে আস্তকুড় হইতে সেই চোয়া আটি-আদি লইয়া চৰিতে লাগিলেন এবং প্রেমাবিক্ত হইলেন। তাহার এই বৈষ্ণবোচ্ছিক্তাদিতে মিষ্ঠার ফলে, যখন তিনি নীলাঞ্জলি গিয়াছিলেন, তখন মহাপ্রভুর অসাধারণ কৃপা লাভ করিয়াছিলেন। প্রভু যখন শ্রীজগন্ধার মন্দিরে প্রবেশ করিতেন, সিংহদ্বারের নিকটে আসিয়া প্রথমে পাদ-প্রক্ষালন করিয়া তার পরে মন্দির প্রাঙ্গণে যাইতেন। প্রভুর এই পদজল কেহ যেন স্পর্শও না করে—এইরূপই ছিল গোবিন্দের প্রতি প্রভুর আদেশ। একদিন প্রভু পাদ-প্রক্ষালন করিতেছেন, এমন সময়ে তাহারই সাক্ষাতে কালিদাস ক্রমে ক্রমে তিনঅঞ্জলী পাদোদক গ্রহণ করিলেন, প্রভু তাকে নিষেধ করিলেন না; তিনঅঞ্জলী গ্রহণের পরে নিষেধ করিলেন। ইহার পরে প্রভু নিজেই গোবিন্দদ্বারা তাহাকে নিজের ভুক্তাবশেষেও দেওয়াইয়াছিলেন। ইনি ব্রজলীলায় ছিলেন পুলিন্দতনয় মঞ্জা।

যদুনন্দন আচার্মঃ সন্ত্রামবাসী শ্রীআদৈত আচার্যের অস্তরণ শিষ্যঃ। বাস্মুদেব দত্তের অনুগ্রহীত। রঘুনাথদাস গোষ্ঠামীর দীক্ষাপ্রকৃ। ইনি 'নিজের অজ্ঞাতসারেই দাস গোষ্ঠামীর গৃহযোগের সহায় হইয়াছিলেন। তাহার গৃহস্থিত বিগ্রহের সেবক—ব্রাহ্মণ সেবা ছাড়িয়া চলিয়া গেলে তিনি দণ্ডচারি রাত্রি থাকিতে রঘুনাথ দাসের নিকটে আসিয়া প্রি ব্রাহ্মণকে সাধিয়া আনিবার জন্য রঘুনাথকে বলিলেন; সেবার জন্য আর কোনও ব্রাহ্মণ ছিল না। রঘুনাথের সঙ্গে সেই ব্রাহ্মণের সম্প্রীতি ছিল। তখন রঘুনাথের প্রাহৰীগণ নিদ্রিত। আগর্ম রঘুনাথকে লইয়া চলিলেন। আগর্মের গৃহের নিকটে

আসিলে রঘুনাথ তাহাকে বলিলেন—‘আপনি গৃহে ফিরিয়া যাউন।  
আমি ব্রাহ্মণকে পাঠাইয়া দিব। আমাকে অনুমতি করুন।’ রঘুনাথ  
যে কৌশলক্রমে নীলাচলে যাওয়ার অনুমতিই চাহিলেন, যদুনন্দন আচার্য  
তাহা বুঝিতে পারেন নাই। তিনি রঘুনাথকে অনুমতি দিয়া গৃহে  
ফিরিয়া গেলেন। এদিকে রঘুনাথও নীলাচলের দিকে যাওয়ার জন্য  
অগ্রসর হইলেন।



କମଳା ପ୍ରେସ

ମଲିକ କାଶି ମହାନ୍ତି

ହଗଲୀ